


IBANGA LOKU-1 ULIMI LWASEKHAYA

Isikhukhukazana esibomvu



ISIZULU

Izinga
lesi-:

3

Incwadi yoku-

1



Ukufunda ngamaqembu okuholwayo

Ngaphambi kokufunda

- Phenza amakhadi endaba abazoyifunda.
- Tshela abafundi ukuba baqagale ukuthi indaba izoqhubeka kanjani uma kususelwa esihlokweni nasemifanekisweni.
- Yethula amagama amasha noma alukhuni ngaphambi kokuba abafundi baqale ukufunda incwadi.
- Yenza amakhadi amagama ukwethula amagama amasha. (Thola uhlulwamagama amasha ngaphakathi.)

Ukufunda kokuqala

- Abafundi kumele bafunde umbhalo ngamunye.
- Abafundi kumele bafunde buthule noma "bawufunde ngokuhleba" umbhalo.
- Suka kumfundu uye kolandelayo, ucele umfundu ngamunye ukuba afunde isigaba sombhalo kuzwakale.

Ingxoxo

- Funda imibozo yokuqondiswa esuselwa embhalweni.
- Gxila emisindweni, emagameni ajwayelekile kanye nasemagameni amasha.
- Uyothola imisebenzi esekugcineni kwale ncwadi ilusizo ekuholeni ingxoxo. (Khetha imisebenzi efanele izinga labafundi.)

Ukufunda kwesibili

- Ezinsukwini ezilandelayo, nkeza abafundi ithuba lokuyifunda futhi incwadi, ngababili noma ngamunye.
- Gxila ekufundeni ngokugeleza, ekusetshenzisweni kolimi nasemagameni amasha.
- Abafundi mabaqedele imisebenzi yeqembu eholwayo etholakala ngemuva kwale ncwadi. (Khetha imisebenzi efanele izinga labafundi.)

Abafundi mabadlale balingise okwenzeka endabeni uma umbhalo uvumelana nalokho.



Abafundi kumele benze imisebenzi yokufunda ngamaqembu ngemva kokufunda. Abafundi mabasebenze ngamaqembu ukuqedela imisebenzi efanele etholakala ngemuva kule ncwadi. Imisebenzi ebhalwayo kumele yenzelwe ezincwadini zokubhalela, hhayi kule ncwadi.

Isikhukhukazana esibomvu



Ngelinye ilanga
isikhukhukazana esibomvu
sathola uhlamvu lukakolweni.

"Ubani ongangisiza
ukutshala ukolweni?" kubuza
isikhukhukazana sikukuza.


"Hhayi mina," kusho idada
lithi kwe-kwe.

"Hhayi mina," kusho ihansi
lithi kwe-kwe.

"Hhayi mina," kusho ingulube
ithi hhofu-hhofu.



Sazitshalela isikhukhukazana.




Wakhula ukolweni waba
yisitshalo eside.

"Ubani ongangisiza
ukusika lo kolweni?"

Kubuza isikhukhukazana
sikukuza.








"Hhayi mina," kusho itshwele
ledada lithi he-he.

"Hhayi mina," kusho itshwele
lehansi lithi he-he.

"Hhayi mina," kusho
ingulubana ithi hhofu-hhofu.

Ngakho ke sazisikela sona
isikhukhukazana.






Sesiwusikile ukolweni,
saphinda samemeza
isikhukhukazana,
“Ubani ongangisiza
ukubopha ukolweni?”



"Hhayi mina," kubhonga inkomo.
"Hhayi mina," kukhonkotha inji.
"Hhayi mina," kunyawuza ikati.

Sazibophela sona
isikhukhukazana.





Saphinda samemeza
isikhukhukazana,
“Ubani ongangisiza
ukugaya ukolweni?”





“Hhayi mina,” kusho ithole
lithi me-e.

“Hhayi mina,” kukhonkotha
umdlwane.


“Hhayi mina,” kunswininiza
umntwana wekati.

Sazigayela isikhukhukazana.



Sithe sesiwugayile
ukolweni waba
wufulawa,
saphinda sabuza
isikhukhukazana,
“Ubani ongangisiza
ukwenza isinkwa?”






"Hhayi mina," kusho imvu ithi
"me-e."

"Hhayi mina," kusho ihashhi.
"Hhayi mina," kukhala
imbongolo.

Sazibhakela isinkwa
isikhukhukazana.




Sithe sesivuthiwe
isinkwa, saphinda sabuza
isikhukhukazana, "Ubani
ongangisiza ukudla
isinkwa?"

"Sizokusiza," kumemeza
zonke izilwane.


"Cha, ngeke," kuphika
isikhukhukazana
esibomvu. "Ngizosidla
ngedwa."





Sabiza amatshwele aso
isikhukhukazana, "Wozani
sidleni nasi isinkwa."

Basidla isinkwa baze basutha.



Uzovuna okutshalile!


Umsebenzi wokufunda ngamaqembu



1

Tshela umngani ukuthi:

- ubonani esithombeni ngasinye.
- yisiphi isithombe ngesokuqala, nokumele sibe ngesesibili, ngesesithathu, ngesokugcina.
- Phinda uxoxele umngani wakho indaba usebenzise izithombe. Qiniseka ukuthi indaba inesingeniso, umzimba kanye nesiphetho.



2

Sebenza nomngani wakho. Fundani imibuzo bese niyiphendula.

- a. Sithini isihloko sale ndaba?
- b. Ngubani umlingiswa oqavile kule ndaba?
- c. Wayefuna ukusizwa ngani?
- d. Ubani owamsiza?
- e. Ubani owadla isinkwa ayesibhakile?
- f. Babizwa ngokuthini abantwana balezi zilwane: idada, ihansi, ingulube, inkomo, inji, ikati kanye nenkukhu?

3 Encwadini yakho yokubhalela, bhala amagama akukholomu yokuqala. Phinda ubhale amagama anomsindo ozwakala ufana nalawo magama akukholomu yokuqala.


hlala	lala	kama	zama	mema
imoto	isoso	utoto	ixoxo	imali
indali	inja	ikati	ikama	imbali
sika	cima	fika	misa	siza



4

Bheka amagama amane akukholamu ephakathi nendawo. Tshela umngani wakho ukuthi:

- yisiphi isithombe esihambisana negama ngalinye
- yimuphi umusho ohambisana negama ngalinye



ikati
isikhukhukazi
inja
ingulube

"Hhayi mina," kusho ingulube.
"Hhayi mina," kusho ikati.
"Hhayi mina," kusho isikhukhukazana.
"Hhayi mina," kusho injá.



5

Kopisha umusho owodwa endabení uwubhale encwadini yakho yokubhalela.

- Dweba isithombe esichaza lo musho.
- Bhala isihlokwana sesithombe.

IBANGA LOKU-1 ULIMI LWASEKHAYA



Incwadi yoku- 1

Isihloko:	Isikhukhukazana esibomvu
Ulimi:	IsiZulu
Izinga:	Ibanga loku-1 Ulimi Lwasekhaya Incwadi yokufunda Izinga lesi-3 Incwadi yoku-1
Uhlobo lombhalo:	Indaba
Amagama ajwayelekile:	idada, mina, ingulube, isikhukhukazi, hhayi, ngubani
Ulwazimagama:	ukolweni, ihansi, phansi, ufulawa, ihashi, imvu, imbongolo, itshwele
Imisindo:	a, e, i, o, u, b, c, d, f, g, h, j, k, l, m, n, p, q, r, s, t, v, w, x, y, z
Okuqukethwe, imiqondo namakhono:	<ul style="list-style-type: none">▪ Uxoxa ngezithombe aphinde axoxe.▪ Uhlela izithombe ngendlela efanele.▪ Usebenzisa izithombe ukuphinda axoxe indaba.▪ Uphendula imibuzo emayelana nendaba.▪ Uthola amagama anomisndo ofanayo.▪ Uqondanisa izithombe, amagama kanye nemisho.▪ Ukopisha umusho owodwa endaben.▪ Udweba isithombe sendaba.▪ Ubhala isihloko sesithombe sakhe.

ICAPS ifuna ukuba othisha babeke eceleni isikhathi nsuku zonke sokubhekana nokufunda kweqembu okuholwayo. Ukufunda kweqembu okuholwayo kudinga abafundi asebesezingeni elifanayo lokwazi ukufunda umbhalo ofanayo emaqenjini. beholwa nguthisha.

Ekufundeni ngamaqembu okuholwayo. othisha bahola abafundi abasezingeni elifanayo lokufunda ekufundeni incwadi efanayo beseqenjini.

Isikhathi sokufunda kumele simbandakanye izinhlobo zamisu ehlukahlukene zokufunda nokugondisisa okudingga abafundi uma befunda.

Isu lokufunda ngempumelelo lidinga futhi ukuxoxisana ngombhalo phakathi kukathisha nabafundi. naphakathi kwabafundi emaqenjini.

Lezi zincwadi zinemisebenzi yokugondisisa kanye neminyaka ehambelana nokufunda ngokugondisisa ukusiza othisha ukuze bakwazi ukuhola ukufunda ngamaqembu emakilasini.

ISBN 978-1-4315-2530-0



ISBN 978-1-4315-2530-0



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Ezinye izincwadi eShalofini
Lezincwadi zeBanga loku-1
zoLimi Lwasekhaya.



Isele liya esikoleni

Ngiyakwazi ukufunda

Sonke siya esikoleni

Usuku lwemidlalo yezilwane



Siyalithanda ibhola lezinyawo

Ukuggoka

UPhithiza uthola umngani omusha

ULeli iloli



Isikhukhukazana esibomvu

U-Ann uya kudokotela

Iphupho likaDudu